

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
TUZLA**

Broj: 01-30-3-1628/23

Datum: 21.11.2023.godine

Na osnovu Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, TK“, broj: 41/01, 22/05 i 9/08), Programa rada JU Službe za zapošljavanje TK za 2023.godinu, broj: 17.01.2023. godine, Programa poticanja zapošljavanja 2023, broj: 01/1-04-1-957-1-4/23 od 14.07.2022.godine, a u vezi sa aktom Ministarstva za rad, socijalnu politiku i povratak TK, broj: 09/1-04-14147-4/23 od 17.11.2023. godine, JU Služba za zapošljavanje TK objavljuje

**PONOVLJENI JAVNI POZIV
za učešće poslodavaca u realizaciji
“Programa poticanja zapošljavanja 2023”**

Za realizaciju Programa poticanja zapošljavanja 2023 (u daljem tekstu: Program) osigurana su sredstva u iznosu od 216.600,00 KM, radi sufinansiranja zapošljavanja 29 osoba sa evidencije nezaposlenih u Tuzlanskom kantonu, i sufinansiranja stručnog osposobljavanja 7 osoba sa evidencije nezaposlenih, koje ne pripadaju boračkoj populaciji.

Nakon provedene procedure realizacije Programa poticanja zapošljavanja 2023 i objavljenog Javnog poziva za učešće u “ Programu poticanja zapošljavanja 2023” od 24.07.2023. godine, za realizaciju Programa ostala su neraspoređena finansijska sredstva u iznosu od 116.374,80 KM.

U skladu sa naprijed navedenim, ovaj Ponovljeni Javni poziv objavljuje se za ostatak neutrošenih finansijskih sredstava po Javnom pozivu od 24.07.2023. godine.

Finansijska sredstva su planirana u Budžetu TK, Ministarstvo za rad, socijalnu politiku i povratak, a Programom je utvrđeno da se sufinansira dio troškova obaveznih doprinosa i/ili dio neto plaće, ili naknade osobi na stručnom osposobljavanju, u zavisnosti od pojedinačne mjere.

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

1. CILJ

Program se realizira s ciljem sufinansiranja zapošljavanja i stručnog osposobljavanja, osoba sa evidencije nezaposlenih JU Službe za zapošljavanje TK (u daljem tekstu: Služba), sa posebnom rodnom osjetljivošću, sprječavanja dugotrajne nezaposlenosti, unapređenja radnih sposobnosti i stvaranje uvjeta za jačanje konkurentnosti mladih osoba bez radnog iskustva i osposobljavanjem za rad u zvanju za koje su se školovali.

2. KORISNICI

2.1. Poslodavci

Korisnici Programa su poslodavci registrovani u Tuzlanskom kantonu, koji redovno izmiruju obaveze po osnovu poreza i doprinosa, te oni koji imaju potpisan sporazum sa Poreznom upravom Federacije BiH o izmirenju duga po osnovu doprinosa, kao i oni na koje se odnosi Zakon o finansijskoj konsolidaciji.

U Programu ne mogu učestvovati:

- poslodavci koji su koristili kreditna ili bespovratna sredstva iz poticajnih mjera Federalnog zavoda za zapošljavanje/Službe a nisu ispoštovali obaveze u skladu sa zaključenim ugovorom,
- poslodavci koji nemaju radnika prijavljenih na jedinstveni porezni sistem,
- poslodavci kod kojih je evidentiran „rad na crno“, od strane Kantonalne uprave za inspekcijske poslove u 2022.godini,
- poslodavci koji ne izmiruju redovno obaveze po osnovu poreza i doprinosa.

Poslodavcu se neće sufinansirati zapošljavanje osoba koje je već zapošljavao, koristeći ili ne koristeći sredstva iz poticajnih mjera Federalnog zavoda za zapošljavanje (u daljem tekstu FZZZ) ili Službe, a kojima je prestao radni odnos kod tog poslodavca u poslednjih 12 mjeseci prije dana podnošenja prijave na Javni poziv, osim za mjere „Zapošljavanja Roma“ i „Zapošljavanje mladih osoba koje izlaze iz sistema javne brige“.

2.2. Nezaposlene osobe

Korisnici Programa su nezaposlene osobe određene ciljnim grupama, prijavljene na evidenciju nezaposlenih Službe, prije objave Ponovljenog javnog poziva.

3. POTICAJNE MJERE

Programom su predviđene sljedeće mjere:

3.1. Zapošljavanje mladih

Zapošljavanje mladih osoba, starosti do 30 godina bez obzira na stručnu spremu i radno iskustvo, uz zasnivanje radnog odnosa na period od 12 mjeseci.

3.2. Zapošljavanje mladih koji izlaze iz sistema javne brige

Zapošljavanje mladih koji izlaze iz sistema javne brige, starosti do 30 godina bez obzira na stručnu spremu i radno iskustvo, uz zasnivanje radnog odnosa na period od 12 mjeseci.

3.3. Zapošljavanje Roma

Zapošljavanje osoba romske nacionalnosti, bez obzira na starost, stručnu spremu i radno iskustvo, uz zasnivanje radnog odnosa na period od 12 mjeseci.

3.4. Zapošljavanje članova porodice u kojoj ni jedan član porodice nije zaposlen, niti imaju penzionera u porodici

Zapošljavanje nezaposlenih osoba – članova porodice u kojoj nijedan član porodice nije zaposlen niti je penzioner, bez obzira na starost, stručnu spremu i radno iskustvo, uz zasnivanje radnog odnosa na period od 12 mjeseci.

3.5. Stručno osposobljavanje

Stručno osposobljavanje osoba visoke stručne spreme (VSS), bez radnog iskustva u struci, koje ne pripadaju boračkoj populaciji (boračka populacija se izuzima, jer je u svakoj kalendarskoj godini, u prethodnih deset godina, realizovan ovakav program za osobe iz boračke populacije, putem Ministarstva za boračka pitanja TK), bez obzira na starost, bez zasnivanja radnog odnosa, na period od 12 mjeseci.



4. NAČIN SUFINANSIRANJA

Programom su predviđena ukupna finansijska sredstva u iznosu od 216.600,00 KM, koja su osigurana u Budžetu TK, Ministarstvo za rad, socijalnu politiku i povratak, kojim se sufinansira dio troškova obaveznih doprinosa i/ili dio neto plaće poslodavcu za osobu koje zapošljava ili za osobu na stručnom osposobljavanju, u zavisnosti od pojedinačne mjere.

Sredstva se raspoređuju po mjerama, kako slijedi:

4.1. Zapošljavanje mladih

Za ovu mjeru Služba poslodavcu mjesečno isplaćuje/refundira iznos od 480,00 KM za protekli mjesec, u trajanju od 12 mjeseci.

4.2. Zapošljavanje mladih koji izlaze iz sistema javne brige

Za ovu mjeru Služba poslodavcu mjesečno isplaćuje/refundira iznos od 480,00 KM za protekli mjesec, u trajanju od 12 mjeseci.

4.3. Zapošljavanje Roma

Za ovu mjeru Služba poslodavcu mjesečno isplaćuje/refundira iznos od 625,00 KM za protekli mjesec, u trajanju od 12 mjeseci.

4.4. Zapošljavanje članova porodice u kojoj nijedan član porodice nije zaposlen, niti imaju penzionera u porodici

Za ovu mjeru Služba poslodavcu mjesečno isplaćuje/refundira iznos od 480,00 KM za protekli mjesec, u trajanju od 12 mjeseci.

4.5. Stručno osposobljavanje

Za ovu mjeru Služba poslodavcu, nakon zaključivanja ugovora sa poslodavcem o sufinansiranju stručnog osposobljavanja i nakon kompletiranja tražene dokumentacije iz Ponovljenog Javnog poziva, poslodavcu isplaćuje sredstva za prvi mjesec, u iznosu od 401,05 KM po osobi, od čega je iznos 300,00 KM naknada osobi na stručnom osposobljavanju bez zasnivanja radnog odnosa, a iznos od 101,05 KM se uplaćuje na ime plaćanja pripadajućih obaveza (doprinosa za zdravstveno osiguranje 12,47 KM, porez na dohodak, doprinos za PIO-Fes. Zavod PIO MIO 20,83 KM, poseban porez za zaštitu od posljedica elementarnih nepogoda 1,50 KM, posebna vodna naknada 1,50 KM, poseban doprinos PIO 30,00 KM, porez na dohodak 33,33 KM i doprinos za zdravstvo - Fond solidarnosti FBiH 1,42 KM) a zatim, u istom iznosu sredstva za svaki naredni mjesec, nakon dostavljenog pravdanja za prethodni mjesec (potvrda ili drugi dokaz o isplati sredstava osobi na stručnom osposobljavanju, potpisan od strane osobe na stručnom osposobljavanju i ovjeren od strane poslodavca, do isteka ugovorene obaveze sufinansiranja), na period od 12 mjeseci.

5. PRIJAVA NA PONOVLJENI JAVNI POZIV

Poslodavac uz Prijavni obrazac "Program poticanja zapošljavanja 2023", koji je sastavni dio ovog Ponovljenog Javnog poziva (**Prilog: 1**), dostavlja sljedeću dokumentaciju:

- Broj računa poslodavca u poslovnoj banci na koji će se sredstva doznačiti (kopija potvrde o računu iz banke ili kopija kartona deponovanih potpisa);
- Uvjerenje o izmirenim obavezama po osnovu poreza i doprinosa, original ili ovjereni kopija, ne starija od jednog (1) mjeseca od dana podnošenja prijave.

(Organi uprave i druge institucije koje posluju preko trezora umjesto Uvjerenja Porezne uprave dostavljaju dokaz da trezorski posluju);

- Kopija Obavještenja o razvrstavanju poslovnog subjekta-fizičkog lica prema klasifikaciji djelatnosti, ili Obavještenje o razvrstavanju pravnog lica prema klasifikaciji djelatnosti KD/2010 ("Službeni glasnik BiH, broj: 47/10), u zavisnosti kako je podnosilac zahtjeva registrovan, izdato od Federalnog zavoda za statistiku;
- Dokaz odgovarajuće institucije za osobe iz ciljnih kategorija (original ili ovjereni kopija)
 - za mjeru „Zapošljavanje Roma“, uvjerenje nadležnog općinskog biroa za zapošljavanje da se osoba nalazila na evidenciji nezaposlenih prije objave Javnog poziva, te da se na evidenciji nezaposlenih Službe izjasnila kao Rom (original ili ovjereni kopija);
 - za mjeru „Zapošljavanje mladih koji izlaze iz sistema javne brige“, uvjerenje Centra za socijalni rad ili uvjerenje/potvrda ustanove u kojoj je osoba bila smještena (original ili ovjereni kopija);
 - za mjeru „Zapošljavanje članova porodice u kojoj ni jedan član porodice nije zaposlen, niti imaju penzionera u porodici“, kućna lista članova porodice, ovjereni u nadležnom opštinskom/gradskom organu, sa dokazima o nezaposlenosti punoljetnih osoba sa kućne liste (uvjerenje o nezaposlenosti biroa za zapošljavanje ili uvjerenja porezne uprave da osoba nije osigurano lice ili drugi dokaz o nezaposlenosti). Za osobe sa kućne liste koje se nalaze na redovnom školovanju potrebno je dostaviti potvrdu ili uvjerenje o statusu učenika ili studenta.
Kao dokaz da osoba sa kućne liste nije penzioner potrebno je dostaviti uvjerenja porezne uprave da osoba nije osigurano lice.
 - Za mjeru „Stručno osposobljavanje“, **izjavu osobe (Prilog: 2)** koja će obavljati stručno osposobljavanje, ovjereni kod nadležnog organa, da nije/niti je, bio/la, korisnik prava po osnovu Zakona o pravima branilaca i članova njihovih porodica („Službene novine Federacije BiH“, broj: 33/04, 72/07 i 9/10), Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 70/06 i 9/10) i Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19).
Izjavu poslodavca (Prilog: 3) da osobi mogu omogućiti sticanje radnog iskustva za rad na određenom radnom mjestu, njihove stručne spreme ili za polaganje stručnog ispita.

Poslodavci koji nemaju radnika prijavljenih na jedinstveni porezni sistem ne mogu učestvovati u ovom Programu, a poslodavci koji svojom djelatnošću nisu u mogućnosti osigurati osobi sticanje radnog iskustva, potrebnog za rad na određenim radnim mjestima, njihove stručne spreme ili za polaganje stručnog ispita, ne mogu učestvovati u poticajnoj mjeri „Stručno osposobljavanje“.

6. OBRADA ZAHTJEVA I OBJAVA LISTE POSLODAVACA

Obradu zaprimljenih prijava vrši Komisija koja utvrđuje Prijedlog Liste poslodavaca koji ispunjavaju uslove Ponovljenog Javnog poziva.

Direktor Službe donosi odluku o odobravanju Liste poslodavaca, koja je konačna.

Liste poslodavaca se objavljuju na web stranici Službe, www.szztk.ba.

7. NAČIN PODNOŠENJA PRIJAVE I BITNE NAPOMENE

Program poticanja zapošljavanja 2023 i Ponovljeni Javni poziv za učešće poslodavaca u realizaciji "Programa poticanja zapošljavanja 2023" su dostupni na web stranici JU Služba za zapošljavanje TK, www.szztk.ba i u nadležnim općinskim biroima za zapošljavanje, kao i na web stranici Vlade TK, www.vladatk.kim.ba.

Prijave, sa potrebnom dokumentacijom, predaju se, u zatvorenoj koverti, neposredno u nadležni općinski biro prema sjedištu poslodavca, u JU Služba za zapošljavanje TK na adresi Bosne Srebrene bb u Tuzli ili se šalju poštom na adresu:

**JU Služba za zapošljavanje
Tuzlanskog kantona
Bosne Srebrene bb
75000 Tuzla**

sa naznakom "**Prijava na Ponovljeni Javni poziv za učešće poslodavaca u realizaciji Programa poticanja zapošljavanja 2023 – Mjera (navesti naziv mjere) – ne otvaraj**".

Ponovljeni Javni poziv se objavljuje na web stranici JU Služba za zapošljavanje TK www.szztk.ba, web stranici Vlade Tuzlanskog kantona, Ministarstva za rad, socijalnu politiku i povratak www.vladatk.kim.ba i na oglasnim pločama biroa za zapošljavanje, dana **21.11.2023. godine**.

Rok za podnošenje prijava je 8 (osam) dana od dana objavljivanja Ponovljenog Javnog poziva, zadnji dan za podnošenje prijava je **29.11.2023.godine**.

Prijave sa nekompletnom dokumentacijom neće se uzeti u razmatranje.



V.D. DIREKTOR

Miralem Softić, dipl. Oec





PRIJAVNI OBRAZAC

Program poticanja zapošljavanja 2023

POTICAJNA MJERA (zaokružiti poticajnu mjeru)

1. Zapošljavanje mladih do 30 godina, bez obzira na stručnu spremu i radno iskustvo
2. Zapošljavanje mladih koji izlaze iz sistema javne brige
3. Zapošljavanja Roma,
4. Zapošljavanje članova porodica u kojima ni jedan član porodice nije zaposlen niti imaju penzionera u porodici
5. Stručno osposobljavanje

PODACI O POSLODAVCU		
Naziv poslovnog subjekta		
Općina		
Adresa		
Telefon		
Email		
Ovlašteno lice		
Djelatnost		
JIB poslovnog subjekta		
Vrsta poslodavca		
Broj trenutno zaposlenih		
Broj traženih osoba		
PODACI O OSOBAMA KOJE SE ZAPOŠLJAVAJU		
Ime i prezime osoba koje se zapošljavaju/str.osposobljavaju	JMBG osoba koje se zapošljavaju / str.osposobljavaju	Stručna sprema osoba koje se zapošljavaju (VSS, VŠS, SSS, VKV, KV, PKV, NSS, NK)

Potpis ovlaštenog lica

Pečat poslovnog subjekta

Datum:





(prezime, ime jednog roditelja, ime)

(broj kontakt telefona)

(e-mail)

IZJAVA

Ovim potvrđujem da nisam/ niti sam bio/la, korisnik prava po osnovu Zakona o pravima branilaca i članova njihovih porodica („Službene novine Federacije BiH“, broj: 33/04, 72/07 i 9/10), Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 70/06 i 9/10) i Zakona o pravima demobiliziranih branilaca i članova njihovih porodica („Službene novine Federacije BiH“, broj:54/19)

Izjavu dajem radi učešća u Programu poticanja zapošljavanja 2023, mjera „Stručno osposobljavanje“, koji realizira JU Služba za zapošljavanje Tuzlanskog kantona.

Potpis

JMBG

U _____, _____ .2023. godine



(Naziv poslodavca)

(adresa poslodavca)

(broj kontakt telefona)

(e-mail)

IZJAVA

_____ (naziv, adresa, JIB i adresa poslodavca), kao
poslodavac izjavljujem da sam u mogućnosti osobi
_____ (ime i prezime osobe na stručnom
osposobljavanju i JBMG) omogućiti sticanje radnog iskustva potrebnog za rad na ranom
mjestu _____ (naziv radnog mjesta) u skladu sa
zanimanjem i stručnom spremom za polaganje stručnog ispita.

Izjavu dajem radi učešća u Programu poticanja zapošljavanja 2023, mjera „Stručno osposobljavanje“, koji realizira JU Služba za zapošljavanje Tuzlanskog kantona.

Potpis ovlaštenog lica

Pečat poslovnog subjekta

Datum: